

## SPORAZUM O SARADNJI

Zaključen između:

**1. UNIVERZITET U SARAJEVU, FAKULTETA POLITIČKIH NAUKA**, Skenderija 72,

kog zastupa **Dekan, Prof. dr. Sead Turčalo**,

i

**2. NADBISKUPIJSKI CENTAR ZA PASTORAL MLADIH IVAN PAVAO II**, Gatačka 18, kog zastupa **Ravnatelj, Prof.dr. Šimo Maršić**

### Član 1.

Ovim Sporazumom se utvrđuju obaveze Fakulteta političkih nauka (u daljem tekstu: Fakultet političkih nauka) i Nadbiskupijskog centra za pastoral mladih Ivan Pavao II (u daljem tekstu: Nadbiskupijski centar za pastoral mladih Ivan Pavao II), koje se odnose na upućivanje i obavljanje prakse studenata Odsjeka za socijalni rad, kao i obaveze mentora i studenata za vrijeme obavljanja prakse.

### Član 2.

Međusobna saradnja između Fakulteta političkih nauka i Nadbiskupijskog centra za pastoral mladih Ivan Pavao II zasnovana je na uzajamnoj saradnji, u cilju što uspješnijeg obavljanja prakse studenata.

### Član 3.

U skladu sa Odlukom Vijeća Odsjeka za socijalni rad, studenti druge i treće godine prvog (I) ciklusa studija dužni su da obave praksu u trajanju od deset (10) radnih dana, sa osmočasovnim radnim vremenom.

### Član 4.

Za obavljanje prakse studenata Ravnatelj Nadbiskupijskog centra za pastoral mladih Ivan Pavao II ili druga ovlaštena osoba određuje mentora, diplomiranog socijalnog radnika/magistra socijalnog rada, odnosno socijalnog radnika sa bogatim radnim iskustvom.

Imena mentora prakse, koji će biti u stalnom kontaktu sa Fakultetom političkih nauka, će se usaglasiti između Fakulteta i Nadbiskupijskog centra za pastoral mladih Ivan Pavao II.

### Član 5.

Sa ciljem praćenja obavljanja prakse studenata, Fakultet političkih nauka je u obavezi da odredi nastavnika/saradnika za stalni kontakt sa Nadbiskupijskim centrom za pastoral mladih Ivan Pavao II i mentorom prakse i planirane obilaskе studenata na praksi.

Nastavnik/saradnik, ovlašten od strane Fakulteta političkih nauka, dužan je da se prije početka prakse studenata upozna sa djelatnošću i zadacima Nadbiskupijskog centra za pastoral mladih Ivan Pavao II, načinom organizacije rada, Pravilima o kućnom redu Nadbiskupijskog centra za pastoral mladih Ivan Pavao II, zadacima i obavezama studenata za vrijeme obavljanja prakse u Nadbiskupijskom centru za pastoral mladih Ivan Pavao II, te da o svemu upozna studente prije dolaska na praksu, odnosno da ih pripremi za obavljanje prakse.

Za vrijeme obavljanja prakse studenata Fakulteta političkih nauka u Nadbiskupijskom centru za pastoral mladih Ivan Pavao II, nastavnik/saradnik Fakulteta, mentor prakse i stručno osoblje Nadbiskupijskog centra za pastoral mladih Ivan Pavao II i Fakulteta političkih nauka dužni su da međusobno sarađuju.

#### **Član 6.**

Mentor prakse je dužan da bliže upozna studenta sa načinom organizacije rada Nadbiskupijskog centra za pastoral mladih Ivan Pavao II, normativnim aktima i zadacima koje obavlja socijalni radnik u Nadbiskupijskom centru za pastoral mladih Ivan Pavao II.

Mentor prakse je dužan da sarađuje sa nastavnicima i saradnicima Fakulteta političkih nauka, da ih obavještava o radu studenata na praksi i eventualnim problemima sa kojima se student ili mentor suočavaju.

#### **Član 7.**

Obaveza studenata je da se za vrijeme obavljanja prakse pridržavaju odredaba Pravila o kućnom redu Nadbiskupijskog centra za pastoral mladih Ivan Pavao II, da poštuju ličnost korisnika usluga i njihovu privatnost, da sa ličnim podacima koje saznaju u toku prakse postupaju u skladu sa Zakonom o zaštiti ličnih podataka, da čuvaju tajnost dokumenata i podataka koji predstavljaju službenu, poslovnu ili profesionalnu tajnu, te da u svemu postupaju u skladu sa zahtjevima i uputama mentora prakse.

- Nadbiskupijski centar za pastoral mladih Ivan Pavao II. kroz svoj program nudi studentu koji bude obavljao praksu priliku razvijati vlastite talente i sposobnosti prožete neformalnom edukacijom kroz 40 projekata koji promoviraju duhovnost, kroz sportske susrete, umrežavanje s mladima, volontersko djelovanje, aktivizam mladih, prevenciju raznih vrsta ovisnosti, međureligijski dijalog, kroz osnaživanje mladih, zaštitu ekologije, rad s marginaliziranim skupinama mladih i slično, koliko se tijekom jedne školske godine realizira, gdje mladi kreiraju i stvaraju bolju, ljepšu i sigurniju Bosnu i Hercegovinu. Student koji odabere Centar za obavljanje svoje stručne prakse bit će u mogućnosti sudjelovati u svim aktivnostima u organizaciji Centra.
- Studentu koji bude obavljao praksu pruža se mogućnost sudjelovanja u svim projektnim procesima počevši od samog iniciranja projekta, planiranja projekta preko izvršenja projekta do monitoringa i kontrole kao i zatvaranja projekta;
- Student koji bude obavljao praksu ima mogućnost sudjelovati u nizu preventivnih aktivnosti koje za cilj imaju zaštitu djece i mladih sukladno Politici – protokolu o

zaštite djece i mladih čiji je autor Nadbiskupijski centar za pastoral mladih Ivan Pavao II, a obvezujući je za sve djelatnike, volontere, studente ili bilo koga drugog tko radi u ime ove organizacije ili udruženja koja surađuju s Nabiskupijskim centrom za pastoral mladih Ivan Pavao II.

- Zaštita djece i mladih obavezna je tema u svim programima i projektima koje realizira Nadbiskupijski centar za pastoral mladih Ivan Pavao II. S tim u vezi student je obavezan proći obuku i potpisati pravilnik o ponašanju koji je sukladan Politici – protokolu o zaštite djece i mladih. Također, student koji bude obavljao praksu ima mogućnost razmjeniti iskustvo s djelatnicima koji se aktivno bave realizacijom projekata i programa a u vezi s tim kako pristupaju zaštiti djeteta.
- Nadbiskupijski centar za pastoral mladih Ivan Pavao II. već godinama uspješno surađuje s nekoliko domova za djecu bez roditeljske skrbi na području Bosne i Hercegovine. Student koji bude obavljao praksu može u suradnji s djelatnicima aktivno sudjelovati u pružanju podrške i kreiranju aktivnosti vezanih za socijalizaciju djece bez roditeljskog staranja.
- Nadbiskupijski centar za pastoral mladih Ivan Pavao II. surađuje i s međunarodnim organizacijama pri realizaciji nekih aktivnosti. Jedna od najvećih aktivnosti u kojoj se to očituje, a u kojoj student koji bude obavljao praksu može učestvovati jest pružanje podrške i poboljšanje kvalitete vremena ljudi u pokretu (djeci, maloljetnicima bez pratnje, ženama, obitelji i samostalnim putnicima).
- Pri Nadbiskupijskom centru za pastoral mladih Ivan Pavao II djeluje i aktivna Udruga katoličkih studenata Emaus. Studentu koji bude obavljao praksu pruža se mogućnost uvida u djelovanje Udruge, kao i učešća u njezinim aktivnostima. Jedna od najvećih aktivnosti jest humanitarna akcija koja se organizira jednom godišnje na području Kantona Sarajevo i u kojoj studenti prikupljaju hranu za pučke kuhinje koje djeluju na području Sarajeva.
- Studenti imaju mogućnost po završetku prakse ostati pri Nadbiskupijskom centru za pastoral mladih Ivan Pavao II u svojstvu volontera, edukatora i slično.

### **Član 8.**

U skladu sa Nastavnim planom i programom Fakulteta političkih nauka, student je dužan:

- provesti određen broj dana i sati na praksi,
- sačiniti dnevnik o svom radu koji mora da bude potpisan i ovjeren od strane mentora,
- postupiti u skladu sa zahtjevima mentora, te da zajedno sa mentorom na kraju prakse urade evaluaciju i daju prijedloge za unaprijeđenje prakse,

- u roku od 15 dana po završetku prakse sačiniti i izvještaj i dostaviti ga na ocjenu nastavniku/saradniku Fakulteta.

#### Član 9.

Nakon potpisivanja Sporazuma, ukoliko to bude potrebno, zakazat će se sastanak na kojem će se sačiniti zajednički plan aktivnosti.

#### Član 10.

Ovaj Sporazum o saradnji će biti otvoren za izmjene, uz uzajamnu saglasnost i na osnovu zahtjeva neposrednih nosilaca obaveza utvrđenih u Sporazumu.

Fakultet političkih nauka UNSA može raskinuti ovaj Sporazum u roku od osam (8) dana u slijedećim slučajevima:

- ako utvrdi da ne postoje objektivne pretpostavke za uspješno izvođenje terenske nastave,
- ako utvrdi da strana potpisnica - partner ne postupa sukladno ugovorenim odredbama.

#### Član 11.

Sporazum stupa na snagu danom obostranog potpisivanja, a primjenjivat će se na neodređeno vrijeme. Svaka strana potpisnica Sporazuma ima pravo jednostrano raskinuti Sporazum o saradnji uz prethodno obavještenje drugoj Strani potpisnici u roku od 30 /trideset/ dana.

#### Član 12.

Ovaj Sporazum je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

RAVNATELJ  
  
Prof. dr. Šimo Maršić



DEKAN  
  
Prof. dr. Sead Turčalo



23-5890/23  
05 07 23

Broj: \_\_\_\_\_ 159/23

Sarajevo, 28.04.2023. godine